

THARISA MINERALS (PTY) LTD
BUKANA YA TSHEDIMOSITSO YA LEMORAGO

MABOLOKELO A A OKETSEGILENG KWA MOEPONG WA THARISA A MAJE A A
LATLHILWENG

APRIL 2022

MATSENO

Tharisa Minerals (Pty) Ltd (Tharisa) ke lefelo la moepo wa khuti e e bulegileng o o tlhagisang ditlhopho tsa selekanyo se segolo sa ditshipi tsa *chrome* le polatinamo (PGM). Moepo wa khuti e e bulegileng o o mo polasing ya 342 JQ le Elandsdrift 467 JQ, gaufi le toropo ya Marikana mo Masepaleng wa Kgaolo wa Bojanala le Masepala wa Selegae wa Rustenburg, Porofenseng ya Bokone Bophirima.

Tharisa e tshwere ditumelelo tsa tikologo [environmental authorisations (EAs)] tse di setseng di le gone, mmogo le dilaesense tse di ka fa tlase ga Molao wa Tlhabololo ya Diminerale le Didirisiwa tsa Petoroliama, 28 wa 2002 (MPRDA), Molao wa Tsamaiso ya Tikologo ya Bosetšhaba, 107 wa 1998 (NEMA), Molao wa Tsamaiso ya Tikologo ya Bosetšhaba: Leswe, 59 wa 2008 (NEM: WA) le Molao wa Bosetšhaba wa Metsi, 36 wa 1998 (NWA).

Go epa go dirwa mo dikarolong tse pedi tsa meepo, e leng kwa East Mine le West Mine, go dirisiwa mekgwa e e tlwaelegileng ya dilori tsa mekwatla e e bulegileng le digarawe. Maje a a latlhilweng go tswa mo mafelong a meepo ya dikhuti tse di bulegileng a ka tswa a kokoantswe mo mafelong a maje a a latlhilweng [waste rock dumps (WRD's)] kgotsa a busediwa mo dikhuting tse di bulegileng jaaka karolo ya go tsoosola lefatshe leo.

E re ka e le karolo ya leano la yone le le tswelatang, Tharisa e lemogile gore go tlhokega mabolokelo a a oketsegileng a maje a a latlhilweng mo lefelong la mmereko. Ka ntlha ya seno, Tharisa e akantsa go:

- oketsa WRD e e neng e setse e dumeletswe;
- tlhoma dikarolwana tse di fa godimo tsa maje a a buseditsweng tsa di-WRD mo dikhuting tsa East le West; le
- oketsa bogolo jwa mabolokelo a a setseng a le gone a maje a a latlhilweng [tailings storage facility (TSF)] ka mokgwa wa go oketsa bolelele.

TSAMAIISO YA TUMELELO YA TIKOLOGO

Pele ga gore porojeke e e akanyeditsweng e tsenngwe tirisong, dilo tse di latelang di a tlhokega:

- Thulaganyo ya Tsamaiso ya Tikologo [Environmental Management Programme (EMPr)] e e fetotsweng go ya ka Karolo 102 ya MPRDA e e tswang kwa Lefapheng la Didirisiwa Tsa Diminerale le Maatla [Department of Mineral Resources and Energy (DMRE)].
- EA go ya ka NEMA ya ditiro tse di mo Lenaaneng la Kitsiso 1 Molao wa Kitsiso ya Puso [Government Notice Regulation (GNR)] 983 ya 2014, le Lenaane la Kitsiso 3 (GNR 985 ya 2014), jaaka le fetotswe, go tswa go DMRE. Melao ya Tshakatsheko ya Diphelelo Tsa mo Tikologong [Environmental Impact Assessment (EIA)] e e latelwang ke GNR 982 ya 4 December 2014, jaaka e fetotswe.
- Laesense ya Tsamaiso ya Matlakala go ya ka NEM:WA ya ditiro tsa matlakala tse di mo Karolo B (GNR 921 ya 2013), jaaka e fetotswe.

Tiro ya tlhatlhobo ya tikologo e e tlhokegang, e akaretsa legato la ikwadiso, legato la go sekaseka, le legato la EIA le EMPr. SLR Consulting (South Africa) (Pty) Ltd (SLR), e leng setheo se se ikemetseng sa bagakolodi ba tikologo, e tlhomilwe ke Tharisa go laola tsamaiso ya tumelelo ya tikologo.

MAIKAELELO A BUKANA ENO

Bukana eno e ile ya rulagangwa gore e go itsise ka:

- Porojeke e e akantshitsweng;
- Diporojeke tse dingwe tse di akanyeditsweng;
- Motheo wa thutabotshelo, setso le ikonomi ya loago mo tikologong ya lefelo la porojeke;
- Tsamaiso ya tlhatlhobo ya tikologo e e latelwang;
- Kafa thutabotshelo, setso le ikonomi ya loago di ka amegang ka gone le ditshwaelo tsa baitseanape ba ba amegang; le
- Kafa o ka tshwaelang ka gone ka tsamaiso ya tlhatlhobo ya tikologo.

SEABE SA GAGO

O tlhophilwe go nna motsayakarolo yo o amegang le yo o nang le kgatlhego [interested and affected party (I&AP)] yo o ka batlang go itsisiwe ka porojeke e e akanyeditsweng le go tshwaela ka tsamaiso le dipego tsa tumelelo ya tikologo le dipego.

O nnile le tshono ya go sekaseka bukana eno le go tshwaela ka yone go SLR gore ditshwaelo tsa gago di akarediwe mo tsamaisong eno ya tlhatlhobo ya tikologo. Gape, o tla nwa tshono ya go sekaseka Pego ya Tshakatsheko le ya EIA & EMPr le gore o tshwaele ka tsone.

Ditshwaelo tsotlhe di tla rekotiwa mme di akarediwe mo dipegong tse di tla romelwang kwa go dirwang tshwetso gone.

DITHIBELO TSA COVID-19


Ka ntlha ya dithibelo tsa COVID-19, dipolatelyo tsa internet di tla dirisiwa (go ya bokgakaleng jo bo kgonegang) go ikgolaganya le di-I&AP.

KAFA O KA TSIBOGANG KA GONE:

Ditsibogo tsa bukana eno di ka romelwa ka pampiri ya dikakgelo e e golagantsweng le/kgotsa ka go buisana le motho yo o kwadilweng fa fatshe.

MOTHO YO O KA IKGOLAGANYANG LE ENE:

Reinett Mogotshi
(011) 467 0945 (Tel) kgotsa
rmogotshi@slrconsulting.com




- Legend**
- Lefelo la Tshwanelo la Moepo wa Tharisa
 - Koketsego ya Bofelo ya Khuti
 - Dikarolwana dingwe tsa porojeke
 - Mafelo a Moepo Le a A Amegang
 - Sekolo le Mabitla
 - Melelwane ya Polasi
 - Dinoka – Tse di Tlhomameng
 - Dinoka – Tse di sa Tlhomameng
 - 1:100 Merwalela ya dingwaga
 - Kgaolo tse kgolo tsa Merwalela ya dingwaga
- NFEPA Dinoka
- CLASS C: Moderately Modified
- NFEPA Megobe
- Flat
 - Unchanneled valley-bottom wetland
 - Valleyhead seep

THARISA MINERALS (Pty) Ltd

Setshwantsho 1
Thulaganyo le Lefelo



SLR Consulting (Africa) (Pty) Ltd
P O Box 1596, Cramerville, 2060, South Africa
Tel: +27 (11) 467-0945 Fax: +27 (11) 467-0978



Source: Esri, Maxar, GeoEye, Earthstar Geographics, CNES/Airbus DS, USDA, USGS, A Community

720.20002.00065

2022/04/11

DINTLHAKAKARETISO TSA DITIRO TSE DI SETSENG DI LE GONE

Ga jaana, Tharisa e okametse tiro e e dirwang mo Moepong wa Tharisa, o o tlhagisang selekanyo se segolo sa *chrome* le PGM mme e ntse e tlhagisa fa e sale ka 2008. Go epa go dirwa mo dikarolong tse pedi tsa moepo, e leng East Mine le West Mine. Dikarolo tseno tsoopedi tsa moepo di kgaogantswe ke Noka ya Sterkstroom le D1325 (Marikana Road) (Setshwantsho 1). Didirisiwa tsa konokono tsa moepo di akaretsa ditsela tsa dilori, kgogolo ya moepo, mmu o o fa godimo o o kokoatsweng, selekanyo sa ditshipi, di-WRD, di-TSF le dikago tsa go etleetsa tiro tse di jaaka diofisi, mafelo a go berekela, matlo a go fetola diaparo, le dikago tsa go laola go tseno le go tswa ga batho.

Tsamaiso eno ya maemo a a kwa godimo ya ditiro tse di setseng di le gone e tlhalosiwa fa fatshe mme e bontshitswe mo Setshwantsho 2:

1. Go epa go dirwa ka mekgwa e e tlwaelegileng ya dilori tsa mekwatla e e bulegileng le digarawe. Mmu o o fa godimo o a kokoangwa mo lefelong le le farologaneng mme maje a matlakala a a latlha mo di-WRD.
2. PGM le maje a *chrome* a a tlhotlha mo kagong ya go tlhotlha kwa maje a thubagangwang le go tlhatlhabiwa gone, a a silwa, a a ikgara a bo a fokodiwa mowa.
3. Maje a PGM a a tlhotlhiweng a isiwa kwa a a thatafadiwang gone, go tswa foo selekanyo se segolo sa polatinamo se a romelwa go ya go rekisediwa batho ba bangwe.
4. *Chrome* e e tlhotlhiweng e e isiwa kwa e e thatafadiwang gone mme go tswa foo, selekanyo se segolo sa *chrome* se a romelwa go ya go rekisediwa batho ba bangwe.
5. Maje a a latlhiweng a romelwa kwa TSF gore a latlwe.

DINTLHAKAKARETISO TSA POROJEKE E E AKANYEDITSWENG

E re ka e le karolo ya leano la yone le le tsweleng, Tharisa e lemogile gore go tlhokega mabolokelo a a oketsegileng a maje a a latlhiweng mo lefelong la mmereko. Ka ntlha ya seno, Tharisa e akantsha go (bona Setshwantsho 1):

- Oketsa WRD e e neng e setse e dumeletswe – e e tlhalosiwang e le West Above Ground WRD (W OG WRD);
- Tlhome dikarolwana tse di fa godimo tsa maje a a buseditsweng tsa di-WRD mo dikhuting tsa East le West – Far West WRD 2 le EAO WRD; le
- Oketsa bogolo jwa di-TSF tse di setseng di le gone – tse di tlhalosiwang e le TSF 1 le TSF2, ka mokgwa wa go oketsa bolelele

DIPOROJEKE TSE DINGWE


Di- WRD tse di akanyeditsweng di tla tlhomiwa mo mafelong a a setseng a le gone a Tharisa Mining Right (MR). West Above Ground WRD e tla atamela morafe wa Maditlhokwa. Tharisa Mine e dikologilwe gape ke dikhampani tse dingwe tsa meepo (Western Platinum Mine, Marikana Platinum Mine le Samancor) mo melellaneng e e mo Bophirima, Bokone le Botlhaba jwa lefelo la Tharisa MR. N4 le morafe wa balemi wa Buffelspoort di mo Borwa jwa Tharisa Mine. Dikarolwana dingwe tsa porojeke di tla tlhomiwa mo mafelong a go kileng ga berekiwa mo go one mo nakong e e fetileng, mme ka go dira jalo go fokotsa kgotlelo ya lefatshe ka ntlha ya porojeke. Seno se kaya gore ga go na phetogo ya lefelo la go tlhoma dikarolwana tsa porojeke tse di akanyeditsweng porojeke eno.

DIKGOPOLO TSE DI LENG GONE MO TLHAMONG

Dikgopolo tse di leng gone mo tlhamong e e tsamaisanang le di-WRD tse di oketsegileng tse di akanyeditsweng di tlhalositswe fa fatshe. Di-WRD di tile go tshwana le tse di setseng di le gone kgotsa tse di setseng di dirisiwa mo moepong.

- **Dipalangwa le Thomelo:** Maje a a latlhiweng a tla rwalwa mo diloring tsa matlakala a moepo mme a isiwe kwa mafelong a a akanyeditsweng a mabolokelo a maje a a latlhiweng, kwa a tla tsenngwang mo di-WRD tse di akanyeditsweng. Maje a a latlhiweng a tla pompelwa mo letamong la maje a a latlhiweng ka dikago tse di setseng di le gone. Ditiro le borakonteraka ba Tharisa ba tla dirisiwa.
- **Tsamaiso ya Mesele ya Metsi:** Dikago tsa tsamaiso ya mesele ya metsi tse di jaaka magora a a tsamaisang kelelo ya metsi go tswa mo di-WRD tse di tla bong di tlhomilwe mo lefelong le le akanyeditsweng la di-WRD. Tsamaiso ya mesele la magora a metsi tse di dikologileng melwane e e mo metlhatlogong e tla kaela metsi a a phepa go elela kgakala le di-WRD. Dikago tse di setseng di le gone tsa tsamaiso ya mesele ya metsi kwa TSF 1 le TSF 2 di tla tswelela di dirisiwa.
- **Go Baakanya le go Tswala:** Metlhatlogo e e fa thoko ya WRD e tla papatlwa, e jalwe gape dimela go etsa dimela tsa tlhologo tsa mo lefelong leo. Mmu o o fa godimo o o gogotsweng pele ga ditlhabololo tseno o tla dirisiwa go thusa ka kgolo ya dimela. TSF 1 le TSF 2 e tla khurumelwa ka mmu o o fa godimo mme go jalwe dimela gape.

Setshwantsho 2: Dintlhakakaretso tsa tsamaiso e e akanyeditsweng ya tiro ya ga jaana



DINTLHAKAKARETSE TSA MOTHEO WA THUTABOTSHILO

- **Thuto ya maje:** Moepo wa Tharisa o fa godimo ga maje a a gotetseng mo Rustenburg Layered Suite (RLS) e e leng karolo ya Bushveld Igneous Complex (BIC).
- **Tlelaemete:** Kgaolo ya Tlelaemete ya Highveld, e e leng tlelaemete e e nang le themperetšha e e thutafetseng. Gantsi pula e na ka matlakadibe a a nang le dikgadima tse di bogale le diphefo tse di maatla tsa borwa-botlhaba.
- **Popego ya lefatshe:** Megolaganye ya Dithaba tsa Magaliesberg e mo e ka nnang dikilometara di le 2 go tswa go borwa jwa Tharisa Mine. Moepo ono ka boone o sephaphati mme o na le mekgokolosa e e bonolo go ela kwa bokone.
- **Mmu le bokgoni jwa lefatshe:** Tharisa Mine o fa godimo ga maalo a a itsetsepetseng a mmu o o nang le selekanyo se se kwa godimo sa letsopa. Mmu ono o a tle o nne letswai, o nne bokete go ka lema mo go one, e bile ga o gogolege.
- **Metsi a a fa godimo:** Tharisa Mine o mo dikarolong tse di fa godimo tsa bodutelo jwa bone jwa A21K. Lefelo la moepo o tletse ka melatswana e mmalwa le molatswana o o elelang wa Sterkstroom, o o aroganyang dikarolo tsa moepo wa East le West.
- **Metsi a a ka fa tlase ga lefatshe:** Moepo o mo godimo ga mafika a a seng boteng le mo Mafikeng a a boteng a a phatlogileng. Dilekanyo tsa metsi a a ka fa tlase ga lefatshe go dikologa moepo a mo magareng ga dimetara di le 2 go ya go 14 ka fa tlase ga boalo jwa lefatshe.
- **Mefutafuta ya ditshedi (Dithulaganyo tsa Ditshedi Tse di mo Lefatsheng le mo Metsing):** Tharisa Mine e wela mo mefuteng ya dimela tsa Savanna Biome, Central Bushveld Bioregion le tsa Marikana Thornveld, Moot Plains Bushveld le Gold Reef Mountain Bushveld. Mefutafuta ya ditshedi tsa tlhologo ya kwa moepong e ile ya amiwa ke ditiro tsa moepo le dikago tsa yone, mmogo le ditiro tsa morafe le bolemirui jwa poraefete.
- **Boleng jwa moya:** Metswedi ya botlhokwa e e kgotlelang moya e e mo kgaolong ya Rustenburg-Brits mme e akaretsa dintshamosi, mesima ya mosi, kgotsa mesi e mengwe e e tswang kwa ditirong tsa madirelo le meepo.
- **Modumo:** Mafelo a a tshabang thata modumo a akaretsa lefatshe le le dirisetswang mafelo a batho ba nnang kwa go one le a bolemirui, sekolo sa President van Rensburg/Piet Retief le diphologolo. Selekanyo sa modumo mo lefelong la tshwanelo la moepo se iswa kwa godimo ke ditiro tsa ga jaana tse di dirwang mo dikagong tsa moepo, pharakano ya mo mebileng le ditiro tsa morafe ka kakaretso (go akaretsa bolemirui).
- **Ponalo ya lefelo:** Popego ya naga go dikologa moepo wa Tharisa o sephaphati le mekgokolosa e e bonolo ka kakaretso. Lefelo leno le fetogile ka ntlha ya ditiro tsa ga jaana tse di dumeletsweng tsa moepo tsa Tharisa le ditiro tsa temothuo. Popego ya naga eno e na le mekgokolosa e e bonolo e e nang le legkabana le lennye le le lengwe mmogo le setlhopho sa makgabana a mannye mo Megolanyeng ya Dithaba tsa Magaliesberg jaaka karolo ya botlhokwa ya naga ya lefelo leo.

DINTLHAKAKARETSE TSA MOTHEO WA IKONOMI YA LOAGO

- **Ikonomi ya loago:** Porofense ya Bokone Bophirima ke porofense ya bonè go gaisa mo nageng e e neelang mo palogotlheng ya boleng jwa [gross domestic product (GDP)] mo Afrika Borwa. Porofense eno e na le GDP ya R55 320 ya go lekangwa ga palo, mme e tlhagisa 6.7% ya GDP ya Afrika Borwa. Tiro ya moepo, temothuo le go tlhagisa e neelana ka karolo e kgolo ya ditlhagiwa tsa porofense. Kgwebo ya Bojanala ke karolo ya ikonomi ya bonè ka botlhokwa mo Porofenseng. Go ne ga fopholediwa gore selekanyo sa botlhokatiro mo porofenseng ka 2016 e ne e le 32% (selekanyo seno se kwa godimonyana ga selekanyo sa botlhokatiro sa 29% mo Afrika Borwa). Diperesente di le tlhano (5%) ya baagi e bone thuto e kgotwane. Mo godimo ga moo, ke fela 35% ya palogotlhe ya baagi mo porofenseng ba nang le thuto ya sekolo se segolwane.
- **Tiriso ya lefatshe:** Lefatshe la mo lefelong la moepo le dirisetswa moepo, bolemirui le mafelo a batho ba nnang gone. Meepo e e bapileng e akaretsa Western Platinum Limited (go ya bokone), Marikana Platinum Mine (go ya bophirima), Salene Mining (go ya Bophirima, ke moepo wa Tharisa) le Samancor le Sogima Mining (go ya botlhaba). Go na le batho ba le mmalwa ba ba dirisang lefatshe ka metlha mo ditirong tsa bolemirui jo bo thusang ka go itshedisa mo gae le/kgotsa bolemirui jwa kgwebo jo bo jaaka diruiwa, go tlhagisa maungo a dinamume le merogo mo lefelong la moepo. Kwantle ga beng ba mafatshe ba poraefete le bahiri ba bone, go na le metse e mengwe e e menè (Mmaditlhokwa, Lapologang, Buffelspoort le Elandsdrift) e e lemogilwe mo lefelong le le sekasekwang le go le dikologa.

DINTLHAKAKARETSE TSA MOTHEO WA SETSO

- **Dikungo tsa ngwaoboswa/setso le Thuto ya Maseledi a Dilo Tsa Bogologolo (Palaeontology):** Tharisa e mo Central Bankeveld mo Porofenseng ya Bokone Bophirima mo Afrika Borwa. Moepo ono o kwa bokone jwa Megolaganye ya Dithaba tsa Magaliesberg, e e itsiweng ka mefuta ya dikungo tse di nonneng le tse di farologaneng ya ngwaoboswa. Mafelo a Motlha wa Maje a gasagane go bapa le megolaganye, gape e bonwa mo magageng le mo mafikeng. Dikungo tse di botlhokwa thata tsa ngwaoboswa le tsone di ile tsa lemogiwa mo teng ga lefelo la MR, le le akaretsang mabitla le matlo a a nang le bokao jwa historiki. Mafelo a a nang le maje a a gabilweng a teng gaufi le Maanhaarrand le Rustenburg mo karolong ya bophirima. Tharisa e mo BIC ya RLS, ka jalo go ka se direge gore go nne le masaledi a dilo tsa bogologolo.

• DIPHELELO TSE DI KA NNANG GONE TSA THUTABOTSHILO, IKONOMI YA SETSO LE LOAGO TSE DI AMANANG LE TIRO YA BAITSEANAPE

Diphelelo tse di ka nnang gone tse di lemogilweng mme di tla batlisisiwa jaaka karolo ya tiro ya go tlhatlhoba tikologo, di thalositse mo tafoleng e e fa fatshe. Mo moitseanape a tlhokegang gone, le gone go thalositse.

Karolo	Diphelelo tse di ka nnang gone tsa tikologo le ikonomi ya loago	Tiro ya Moitseanape (mo go tlhokegang gone)
Thutabotshelo		
Thuto ya maje	Go tlhatswa ga dikungo.	Tlhatlhobo ya boleng ke EAP
Popego	Seabe sa phetogo ya popego e golagantswe le diphelelo tsa mekgwa ya kelelo ya metsi, le popego ya naga.	
Mmu le bokgoni jwa lefatshe	Go tshwenngwa le go senyega ga dikungo tsa mmu, tatlhegelo ya lefatshe la temothuo.	Tiriso ya Mmu, Lefatshe le Bokgoni Jwa Lefatshe go akaretsa Tlhatlhobo ya Bokgoni Jwa Temothuo
Mefutafuta ya ditshedi – Dithulaganyo tsa Ditshedi Tse di mo Lefatsheng le mo Metsing	Tatlhego e e bonalang le go tshwenngwa ka kakaretso ga mafelo le mefuta ya ditshedi.	Dipatlisiso tsa Ditshedi Tse di mo Lefatsheng le mo Metsing
Metsi a a fa godimo	Go senyega le go fetoga ga mekgwa ya kelelo ya metsi.	Tlhamo ya tsamaiso ya mesele ya metsi
Metsi a a ka fa tlase ga lefatshe	Go senyega ga dikungo.	Patlisiso ya Metsi A a Ka fa Tlase ga Lefatshe le Patlisiso ya Saense ya Maje le Diminerale (<i>Geochemistry</i>)
Boleng Jwa Moya le Modumo	Koketsego ya mosi o ntshiwang le maemo a dilekanyo.	Dipatlisiso tsa Boleng Jwa Moya le Modumo
Ponalo	Seabe sa phetogo ya panalo ya lefelo.	Patlisiso ya Ponalo
Setso		
Dikungo tsa ngwaoboswa/sets o/masaledi a dilo tsa bogologolo	Tatlhegelo kgotsa go senyega ga dikungo.	Dipatlisiso tsa Ngwaoboswa/Setso/Masaledi a Dilo Tsa Bogologolo
Ikonomi ya loago		
Ikonomi ya loago	Tiro e e tswelletseng ya moepo mmogo le diphelelo tsa ikonomi ya loago tse di amegang.	Tlhatlhobo ya boleng ke EAP

TIRO YA TUMELELO YA TIKOLOLO

Tiro ya tlhatlhobo ya tikologo e neelana ka tshedimosetso e e kaga tsamaiso ya dikarolwana le tikologo e tiro e dirwang mo go yone. E tshwaya le go tlhatlhoba, ka tirisanommogo le di-I&AP, diphelelo tse di bosula le tse di molemo mo thutabotshelong (Magato a botlhokwa a tiro ya I&AP a tihalositswe ka mokwalo o o pududu fa tlase). Gape tsamaiso ya tlhatlhobo ya tikologo e bega ka dikgato tse di tlhokegang mo dithulaganyong tsa go baya leitlho (fa di tlhokega) tsa tsamaiso ya go fokotsa diphelelo tsa selekanyo se se amogelesegang. Magato a tsamaiso mmogo le nako e go akanngwang gore e tla tsewa di kwadilwe fa fatshe.



- Kopano pele ga ikwadiso le molaodi yo o tshwanelegang (DMRE).
- Go romela kopo e e feletseng ya NEMA/ NEM: WA go DMRE.
- Boitshupo jwa di-I&AP le ditlhabololo tse di amegang tsa lenaane la tshedimosetso ya porojeke.
- Dipuisano le di-I&AP (Dec 2021 go ya go April 2022).
- Itsise di-I&AP tsa porojeke (ka dipapatso mo makwalodikgannyeng, dikitsiso mo lefelong, SMS le ka bukana eno) December 2021 go ya go April 2022.
- Rulaganya Pego ya tlhatlhobo le tshobokanyo.
- Phasalatsa Pego ya Tlhatlhobo go di-I&AP gore e sekasekwe (malatsi a le 30 a go sekaseka) (May 2022)
- Romela Pego ya Tlhatlhobo (e e akaretsang dikakgelo tsa I&AP) go DMRE gore e e sekaseka le go akgela ka yone (malatsi a le 43 a go e sekaseka).
- Rulaganya EIA le EMPr le tshobokanyo.
- Phasalatsa EIA le EMPr go di-I&AP gore di sekasekwe (malatsi a le 30 a go e sekaseka) (July/August 2022).
- Romela EIA le EMPr (e akaretse dikakgelo tsa I&AP) go DMRE gore e dire tshwetso (malatsi a le 107 a go dira tshwetso).
- Phasalatsa tshwetso ya DMRE go di-I&AP fa e setse e bonwe.

TIRO YA BOTSAYAKAROLO JWA SETŠHABA

Maikaelelo a botsayakarolo jwa setšhaba ke go itsise di-I&APs ka porojeke e e akanyedittweng le go di naya tshono ya go tlhagisa dintlha le matshwenyego tse di amanang le porojeke eno e e akanyeditweng. Tiro ya Botsayakarolo jwa setšhaba e tla dirwa go ya ka dipatlafalo tse di mo Kgaolo 6 ya GNR 982 ya 4 December 2014 (Melao ya EIA), jaaka e fetotswe. Ka ntlha ya dithibelo tsa COVID-19, dipolatelyo tsa internet le tsa ileketeroniki di tla dirisiwa (go ya bokgakaleng jo bo kgoneng) go mekamekana le di-I&AP. Dipolatelyo tseno di tla akaretsa go dirisiwa ga email, SMS, dipolakate, le website ya SLR mmogo le go dirisa website e e sa tlhokeng data e mo go yone batho ba ka kgonang go fitlhelela dipego. Ditiriso tsa dibuelagodimo le dikhaontara tsa tshedimosetso le tsona di tla dirisiwa go itsise di-I&APs ka porojeke e e akanyeditweng. Di-I&AP tse di amegang mo tirong ya tumelelo ya tikologo di mo lenaaneng le le fa fatshe:

DI-I&AP TSE DI AMEGANG MO TIRONG YA TUMELELO YA TIKOLOGO

BENG BA LEFATSHE, BADIRISI BA LEFATSHE LE DI-I&AP TSE DINGWE

- Beng ba lefatshe le le dikologileng moepo, badirisi ba lefatshe le merafe.
- Mekgatlho e e seng ya puso.
- Meepo le madirelo a a bapileng.
- Ditlamo tsa puso.

BOLAODI JO BO TSHWANELEGANG

- Lefapha la Didirisiwa Tsa Diminerale le Maatla mo Bokone Bophirima (DMRE).

BALAODI BA BA AKGELANG

- Lefapha la Tlhabololo ya Ikonomi, Tikologo, Tshomarelo le Bojanala.
- Lefapha la Tlhabolo ya Metseselegae le Tlhabololo ya Temothuo.
- Lefapha la Dikgwa, Ditlhapi le Tikologo;
- Boto ya Diphaka le Bojanala ya Bokone Bophirima.
- Lefapha la Tlhabololo ya Metseselegae le Kabelano ya Lefatshe – go akaretsa le Mokhomishenara wa Dikopo tsa Lefatshe.

BALAODI BA SELEGAE

- Masepala wa Selegae wa Rustenburg (go akaretsa Mokhanselara wa Wate 32).
- Masepala wa Kgaolo ya Bojanala.

Tsweetswee re itsise fa e le gore go na le batho bape ba bangwe ba ba tshwanetseng go akarediwa.

**THARISA MINERALS (PTY) LTD
BUKANA YA TSHEDIMOSETSO YA LEMORAGO**

**MABOLOKELO A A OKETSEGILENG KWA MOEPONG WA THARISA
APRIL 2022**

LETLHA		NAKO	
DINTLHA TSA MOTHO YO O AMEGANG E BILE A NA LE KGATLHEGO			
LEINA			
KGATLHEGO MO POROJEKNG E E AKANYEDITSWENG			
ATERESE YA POSO/SETERATA			
		KHOUDU YA POSO	
NOMORO YA GO IKGOLAGANYA KWA TIRONG LE MO GARE GA LETSATS		NOMORO YA FEKES YA KWA TIRONG LE MO GARE GA LETSATS	
NOMORO YA FOUNO YA SELULA		ATERESE YA IMEILI	
TWEETSWE NKWADISENG JAACA MOTHO YO O AMEGANG LE YO O NANG LE KGATLHEGO (I&AP) GORE KE KGONE GO BONA TSHEDIMOSETSO E E OKETSEGILENG LE DIKITSISO KA NAKO YA FA TIRO YA TLHATHOBO YA DIPHELELO TSA TIKOLOGO E NTSE E TSWELETSE			EE
O KA RATA GO AMOGELA DIKITSISO TSA GAGO JANG?			NNYAA
			E-MAIL
			POSO E E KWADISITSWENG

TWEETSWE KWALA DIKAGELO LE DIPOTSO TSA GAGO FANO (tweetswe dirisa dishiti tse di farologaneng fa e le gore o ka rata go dira jalo)

TWEETSWE AKARETSA BADIRI KA NNA/DITSALA/BAAGELANI BA ME JAACA DI-I&APS TSA POROJEKE ENO:

Tweetswe romela foromo eno e e tladitsweng go:

Fa o neelana ka tshedimisetso ya gago ya botho gore e kwadisiwe jaaka I&AP mo porojekeng eno, o dumela gore SLR e laole tshedimisetso ya gago go ya ka Molao wa Tshireletso ya Tshedimisetso ya Botho, Molao 4 wa 2013. Seno se akaretsa; go boloka le go dirisa Tshedimisetso ya gago ya Botho jaaka karolo ya lenaane la tshedimisetso ya go ikgolaganya mo ESIA eno le/kgotsa di-ESIA tse dingwe, go ikgolaganya le wena malebana le ditsamaiso tsa ESIA eno le/kgotsa tse dingwe, go phasalatsa lenaane la tshedimisetso go bathong ba bangwe ba ba dumeletsweng, go akaretsa motho yo o tsenyang kopo, ka ntlha ya mabaka a semolao, le go akaretsa tshedimisetso epe fela e e mo Dipegong tsa ESIA. O ka kopa gore Tshedimisetso ya gago ya Botho e phimolwe mo lenaaneng la tshedimisetso ya Porojeke kgotsa dikagelo di se ka tsa nna karolo ya Dipego tsa ESIA ka nako epe fela, ka go ikgolaganya le SLR.

Reinett Mogotshi
SLR Consulting (South Africa) (Pty) Ltd
(011) 467 0945
rmogotshi@slrconsulting.com

RE LBOGA GO NNA LE SEABE GA GAGO!!!